

आकाशवाणी

खबरां

- 1 प्रधानमंत्री नरेंद्र मोदी होर कल्लै थ्वां 2 दिनें दी यात्रा पर लाओस जा'रदे न। ओहू 21में आसियान भारत शिखर सम्मेलन च हिस्सा लैडन।
- 2 हरियाणा च भारतीय जनता पार्टी दी जित्त मगरा उत्थे त्री बारी सरकार बनाने लेई गतिविधियां तेज होई गेइयां न।
- 3 जम्मू-कश्मीर दे उपराज्यपाल होरें जम्मू-कश्मीर दे लोकें दा धन्नवा कीता ते चुनां अधिकारिएं, जम्मू पुलिस ते सुरक्षाबलें आस्सेया चुनां रमानदारी कन्नै करोआने लेई कीते गेदे जत्तें दी सराहना कीती।
- 4 राष्ट्रपति द्रौपदी मुर्मू होरें नकली दवाएं ते भ्रामक इश्तेहारें गी बढ़ावा देने आले पर सख्त कार्रवाई करने दा आह्वान कीता।
- 5 भारतीय रिजर्व बैंक नै लगातार 10मीं बारी रेपो दर गी 6 अशारिया 5 फीसद पर बरकरार रक्खेआ ऐ।

<><><><><><>

PM-LAOS

प्रधानमंत्री नरेंद्र मोदी होर कल थमां Laos च Vietntiane दे दऊं दिनें दे दौरे पर होडन। नमीं दिल्ली च इक संवाददाता सम्मेलन गी संबोधित करदे होई विदेश मामले दे मंत्रालय च पूर्वी सचिव जयदीप मजूमदार होरें आखेआ जे दौरे दौरान मोदी होर 21मां एशियन भारत शिखर सम्मेलन ते 19मां पूर्व एशियाई शिखर सम्मेलन च शामिल होडन। मजूमदार होरें जानकारी दिती जे एशियन भारत शिखर सम्मेलन च एहू प्रधानमंत्री हुंदी 10मीं बारी शमूलियत होग। उनें आखेआ जे प्रधानमंत्री मोदी होर Vietntiane दा दौरा Laos दे प्रधानमंत्री Sonexay Siphandone हुंदे साहे पर करा'रदे न। श्री मजूमदार होरें आखेआ जे प्रधानमंत्री मोदी ते उंदे नै एशियन मुखे दिये सरकारें दे होरनें शीर्ष मंत्री होर भारत ते एशियन बश्कार रिश्ते दी प्रगति दा जायजा लैगन ते भविक्ख च बी रिश्ते गी अगगे तोड़ी लेई जाने गित्तै दिशा तय करोग।

<><><><><><>

Prez. Tour

राष्ट्रपति द्रौपदी मुर्मू होर ऐतवारें अल्जीरिया, मारिटानिया ते मलावी दी 7 दिनें दी यात्रा पर रवाना होडन। विदेश मंत्रालय च आर्थिक सरबंध सचिव दम्मू रवि होरें नमीं दिल्ली च आखेआ जे भारत अफ्रीका कन्नै इक मजबूत सरबंध चाहंदा ऐ। उनें आखेआ जे पिछले बरे भारत दी अध्यक्षता च अफ्रीकी संघ दे जी-20 सदस्य बनने मगरा राष्ट्रपति हुंदी एहू यात्रा होआ रदी ऐ। रवि होरें आखेआ जे 54 मुखे आला अफ्रीकी ग्लोबल साउथ दा केंद्र ऐ। उनें आखेआ जे प्रधानमंत्री नरेंद्र मोदी होरें ग्लोबल साउथ एजेडे गी अगगे बदाने च खस रूचि लैती ऐ।

<><><><><><>

Cabinet-Decision

केंद्र सरकार नै लोकें च खून ते पोषक तत्वे च कमी गी दूर करने आस्तै बडे मते लौहके सूक्ष्म पोषक तत्वे आले चौल दी आपूर्ति गी मंजूरी देई दिती ऐ। प्रधानमंत्री नरेंद्र मोदी हुंदी अध्यक्षता च अज्ज मंत्रीमंडल दी बैठक च एहू फैसला लैता गेआ। केंद्री सूचना ते प्रसारण मंत्री अश्विनी वैष्णव होरें नमीं दिल्ली च संवाददाताएं गी एहू जानकारी दिती। उनें आखेआ जे एहू समावेशी विकास ते पाषण सुरक्षा दी भेठा पुटेआ गेदा कदम ऐ। इस योजना पर 17 ज्हार करोड़ रपे थ्वां मते दा खर्च औग। सरकार नै इसी दिक्खदे होई गुजरात दे लोथल च राष्ट्रीय समुद्री विरासत परिसर बनाने गी मंजूरी दिती। उनें

आखेआ जे इस परिसर राएं मुल्ख दी समृद्ध समुद्री विरासत गी प्रदर्शित कीता जाग। वैष्णव होरें आखेआ जे प्रधानमंत्री नरेंद्र मेदी होरें मुल्ख दे बन्ने आले क्षेत्रें च ढांचागत विकास पर जोर पाया। इसी ध्यानै च रखदे होई सरकार नै राजस्थान ते पंजाब दे बन्ने आले क्षेत्रें च 2 ज्हार 200 किलोमीटर शड़कें दे निर्माण गी मंजूरी दिती ऐ।

<><><><><><>

UAFPA

संयुक्त राष्ट्र जनसंख्या कोश नै मातृ सेहत ते परोआर नियोजन गी अगगे बदाने च भारत दी असाधारण प्रगति दी प्रशंसा कीती ऐ। कोष दी कार्यकारी निदेशक होरें नमीं दिल्ली च इक कार्यक्रम च मातृ सेहत ते परोआर नियोजन च महिलाएं दी सेहत ते आरोग्यता च भारत कन्नै सांझेदारी करने आस्तै कोष दी अटूट प्रतिबद्धता गी जाहिर कीता। उनें बरे 2000 सोयां 2020 बश्कार मातृ मृत्यु अनुपात 70 फीसद तगर घट्ट करने च भारत दे शानदार जत्तें दी सराहना कीती। इस टकोहदी प्रगति नै मुल्खै भरै च ज्हारां बद्दी महिलाएं खास करी हाशिए पर रवा'रदे समुदायें दी महिलाएं दी जान बचाई ऐ।

<><><><><><>

Haryana-Congress

कांग्रेस दे वरिष्ठ नेता राहुल गांधी होरें हरियाणा दे चुनां नतीजें गी मेद मुजब नेई होने आले दस्सदे होई आखेआ जे ओहू इसदा विश्लेषण करा रदे ना। सोशल मीडिया पर इक खेह च उनें आखेआ जे पार्टी नेतृत्व गी केई विधानसभा क्षेत्रें थ्वां शकैतां थ्होआ रदियां न ते निर्वाचन आयोग गी एह्दे थ्वां अवगत करोआया जाग। गांधी होरें हरियाणा दे सारे लोकें गी उंदे समर्थन ते कांग्रेस कार्जकर्ताएं गी उंदी अनथक मेहनत आस्ते धन्नवाद कीता। उनें आखेआ जे ओहू अधिकारें, सामाजिक ते आर्थिक न्या ते सच्चाई आस्तै संघर्ष जारी रक्खडन।

<><><><><><>

LG-Congratulate

उपराज्यपाल मनोज सिन्हा होरें जम्मू-कश्मीर दे लोकें दा धन्नवाद कीता ते चुनां अधिकारियें, जम्मू-कश्मीर पुलस ते सुरक्षा बलें दा इत्थे रमानदारी, आजदाना ते पारदर्शी ढंग्गै नै विधानसभा चुनां कराने दे प्रयासें दी सराहना बी कीती। इक सोशल मीडिया पोस्ट च उपराज्यपाल होरें विधानसभा लेई चुनोए गेदे मेंम्बरें ते नेशनल कांफ्रेंस दी अगुवाई आहली भ्याल गी चुनां च जित्त गितै ममारखां दित्तियां। पोस्ट च उपराज्यपाल होरें आखेआ जे सब्बनें जेत्तू मेदवारें ते एन.सी दी अगुवाई आहली भ्याल गी दिली मुबारखां। उनें सब्बनें गी जम्मू-कश्मीर दे विकास ते लोकें दी भलाई बेहतरी लेई रलिये कम्म करने दी गुजारश कीती। उनें आखेआ जे शांतिपूर्ण चुनां प्रक्रिया ते करोड़ां बद्दे मतदाताएं दी शमूलियत लोकतंत्र दी जींदी-जागदी मिसाल ऐ।

<><><><><><>

JK Counting

नेशनल कांफ्रेंस ते कांग्रेस भ्याल जम्मू-कश्मीर च अगली सरकार बनाने गितै तैयार ऐ। नेकां पार्टी नै जम्मू-कश्मीर च 90 चा 42 सीटां जित्तिये इक्कली सब्बनें शा बड्डी पार्टी बनिये उभरी ते एह्दी भ्याल भारतीय राष्ट्रीय कांग्रेस नै 6 सीटां जित्तियां ना। भारतीय जनता पार्टी नै 29 सीटां जित्तियां ना। पीडीपी नै 3 सीटां जित्तियां ना। 7 सीटां आजाद मेदवारें अपने नां कीतियां। नेशनल कांफ्रेंस दे नेता ते साबका मुख्मन्त्री उमर अब्दुल्ला होरें बडगाम ते गांदरबल आलियां दवै सीटां जित्ती लैतियां ना। जम्मू-कश्मीर कांग्रेस प्रमुख तारिक हमीद कर्रा होरें सेंट्रल शेलटेंग थमां जित्त दर्ज कीती, जम्मू-कश्मीर पीपल्स कांफ्रेंस दे सज्जाद गनी लोन होरें हंदवाडा थमां जित्त दर्ज कीती। सीपीआई-एम दे मोहम्मद युसुफ तारीगामी होरें कुलगाम असेंबली हल्के थमां जित्त दर्ज कीती। पीडीपी नेता ते पार्टी प्रमुख महबूबा मुफ्ती हुंदी धी इल्लिजा मुफ्ती होर बिजबिहाडा सीट थमां हारी गेइयां। नेशनल कांफ्रेंस दे नेता नासिर असलम वानी होर कुपवाडा थ्वां हारी गए। कांग्रेस दे रमन भल्ला ते तारा चंद होर बी अपनी-अपनी सीट थ्वां हारी गए ना। भारतीय जनता पार्टी दे प्रदेश अध्यक्ष रविंद्र रैना होर नौशैहरा सीट थ्वां चुनां हारी गए ना।

<><><><><><>

WHO

विश्व स्वास्थ्य संगठन नै घोषणा कीती ऐ जे भारत इस बरे ट्रेकोमा गी इक सार्वजनिक सेहत समस्या दे तौर पर खत्म करने च सफल रेआ ऐ। एहूदे कन्नै गै भारत एहू उपलब्धि हासिल करने आला दक्खन पूर्व एशिया क्षेत्र दा त्रिया मुख बनी गेआ ऐ। डब्ल्यूएचओ नै कल नमीं दिल्ली च अपनी क्षेत्रीय समिति दी बैठक दौरान भारत दी इस उपलब्धि गी आधिकारिक तौर पर प्रमाणित कीता। ट्रेकोमा इक्क जीवाणु संक्रामक रोग ऐ जेइ अक्खें गी प्रभावित करदा ऐ ते संक्रमित व्यक्ति दी अक्खें, पलकें, नक्क या गले दे रसाव दे माध्यम राणं फैलदा ऐ। 1950-60 दौरान एहू बमारी भारत च लोकें दे अन्ने होने दी प्रमुख वजह ही।

<><><><><><>

Prez. Murmu

राष्ट्रपति द्रौपदी मुर्मू होरें मुख भरै च रिवायती औषधियें दी उपलब्धता बढ़ाने आस्तै आयुर्वेद क्षेत्र च उद्यमें दी स्थापना दे प्रति युवाणं गी प्रोत्साहित करने दी जरूरता पर जोर पाया। अज्ज नमीं दिल्ली च अखिल भारतीय आयुर्वेद संस्थान दे 8में स्थापना दिवस समारोह दे उद्घाटन मौके पर राष्ट्रपति होरें आखेआ जे आयुर्वेद म्हेशां सोयां लोकें दे जीवन दा अनन्त हिस्सा रेआ ऐ। उनें आखेआ जे किश लोक भ्रामक विज्ञापनं ते नकली दोआइणं गी बढ़ावा देइए दुणं गी धोखा दिंदे न। ऐसे लोकें खिलाफ सख्त कार्रवाई दा आह्वान करदे होई राष्ट्रपति होरें आखेआ जे मुख च योग्य आयुर्वेदिक डाक्टरें दी लोइ ऐ तां जे लोकें गी अयोग्य चिकित्सकें थ्वां सलाह या परामर्श नेई लैना पवै। राष्ट्रपति होरें आखेआ जे पिछले किश बरें च आयुर्वेदिक कालजें च दाखला लैने आले छात्रें दी गिनतरी च बाह्वा होआ ऐ। उनें विश्वास जाहिर कीता जे औने आले दिनें च आयुर्वेदिक चिकित्सकें दी गिनतरी च बाह्वा होग। राष्ट्रपति मुर्मू होरें इस मौके पर शाश्वत आयुष प्रदर्शनी ते आयुष औषधि केंद्र दा उद्घाटन कीता। एहू प्रदर्शनी कुदरत, पर्यावरण ते कचरा प्रबंधन पर केंद्रित ऐ। केंद्रीय आयुष मंत्री प्रताप राव जाधव ते दिल्ली दे उपराज्यपाल विनय कुमार सक्सेना होर बी मौजूद हे।

<><><><><><>

HC-Rahul Gandhi

दिल्ली दी हाई कोर्ट नै कांग्रेस नेता राहुल गांधी हुंदी नागरिकता रद्द करने दी मंग आली याचिका पर सुनवाई स्थगित करी दिती ऐ। इस याचिका च अपने आपा गी ब्रिटिश नागरिक घोषित करने आले राहुल गांधी हुंदी भारतीय नागरिकता रद्द करने आस्तै गृह मंत्रालय गी निर्देश देने दी मंग कीती गेई ही। मुख न्यायधीश मनमोहन हुंदी अध्यक्षता आली पीठ नै मामले दी सुनवाई आसतै 6 नवंबर दी तरीक तय कीती ऐ।

<><><><><><>

RBI

भारती रिजर्व बैंक नै लगातार 10मीं बारी ब्याज दरें च कोई बदलाव नेई करने दा फैसला कीता ऐ। रेपो दर गी 6 अशारिया 5 फीसद पर बरकरार रक्खेआ गेआ ऐ। रिजर्व बैंक नै स्थाई जमा सुविधा दर 6 अशारिया 2-5 फीसद ते सीमांत स्थाई सुविधा दर ते बैंक दर 6 अशारिया 7-5 फीसद पर बनाई रक्खी ऐ। रिजर्व बैंक दी मौद्रिक नीति समिति नै विकास पर ध्यान केंद्रित करने ते मुद्रा स्फीति गी लक्ष्य दे अंदर बनाई रखने आसतै मौद्रिक नीति रूख गी बदलिए तटस्थ करने दा फैसला कीता ऐ।

<><><><><><>

World Habitat Day

शैहरी ते घरें कोठें सरबन्धी केंद्री राज्य मंत्री तीखन साहू होरें आखेआ ऐ जे सरकार दा ध्यान समाज दे निर्माण च युवाणं दी क्षमताएं पर केंद्रित ऐ। नमीं दिल्ली च विश्व पर्यावास दिवस दे मौके साहू होरें आर्थिक ते पर्यावरणीय तौर पर सतत समाज बनाने दी रूरता पर जोर पाया।

<><><><><><>

BJP-Best-Performance

भारती जनता पार्टी नै जम्मू संभाग च 29 सीआं जित्तिये अजें तोहड़ी दा अपना बेहतरिन प्रदर्शन कीता ऐ जदके कांग्रेस नै जम्मू संभाग च अपना अजें तोड़ी दा सब्बनें शा खराब प्रदर्शन करदे होई छड़ी इक गै सीट जित्ती ऐ। कांग्रेस गी राजौरी च शड़ी इक सीट हासल होई। औदे बड्डे नेता जेदे च साबका उप

मुख्यमंत्री तारा चंद ते किश साबका मंत्री शामिल न, गी हार दा सामना करना पेआ ऐ। भारतीय जनता पार्टी गी बी तगड़ा झटका लगा ऐ की जे पार्टी दे प्रदेश अध्यक्ष रविंद्र रैणा होरें गी हार दा सामना करना पेआ ऐ। जम्मू खित्ते दी सीटें चा 43 सीटें हासल करिए बीजेपी इक्कली बड़ी पार्टी बनिए 29 सीटें 5 सीटें हासल होइयां न। श्री थाहर पर आजाद मेदवार रेय जिनें 7 उभरी ऐ। नेशनल कांफ्रेंस गी पार्टी गी बी इक सीट थोई। कांग्र हासल कीतियां। आम आदमी ेस गी इक सीट हासल होई। गुलाम नबी आजाद हुंदी पार्टी डीपी.ए.पी., पीडीपी, बीएसपी, पैथर्स पार्टी, जेपी गी कोई सीट हासिल .केए. नेई होई।

<><><><><><>

USA

अमरीका च तूफान मिल्टन करी फ्लोरिडा दे पच्छमी तट पर 50 लख थवां मते लोकें गी इलाके गी छोड़ने दा आग्रह कीता गेआ ऐ। अमरीका दे राष्ट्रपति जो बाइडेन होरें फ्लोरिडा निवासिएं गी आखेआ ऐ जे श्रेणी 5 दा तूफान राज्य च सदी दी सब्बनें थवां बड़ी कुदरती आपदा होई सकदी ऐ। राष्ट्रपति होरें इस हफ्ते दे अखीरै तगर जर्मनी ते अंगोला दी यात्रा बी स्थगित करी दित्ती ऐ। तूफान करी एयरलाइंस कंपनियें फ्लोरिडा थवां औने जाने आली सैकड़ों बड्डियां डोआरियां रद्द करी दित्तियां न।

<><><><><><>